

中國方志叢書・華中地方・第七八九號

據

清・江爲龍等纂修
清康熙四十七年刊本

影印

江西省

宜春縣志

(三)

成文出版社有限公司印行

宜春縣志卷之十一

城池

守國之道設險爲先縣附郡郭歷古有城河也
礪恃以無恐但先後建築不一修繕尤爲要務雖
曰在德不在險亦實以固吾圉云

漢高帝五年大將軍灌嬰定豫章郡六年令天下郡
邑皆築城袁之有城或昉諸此按古圖經隋大業末
蕭銑陷城唐武德四年九月安撫使李大亮建築郡
城高二丈周四百八十四步東南西南開壕濶七

丈北以江爲壕城外甃內土白露屋皆覆以瓦至長
壽二年刺史魏元表遷州治出城東北二百步開元
八年刺史房琯以城基卑濕欲遷州治於江北袁山
之南建築城壘廉使慮其勤民併仍舊遂展故城直
南二百餘步更諸爽塏剏立廨宇昭宗乾寧二年刺
史揭鎮築羅城一千五百餘丈又增築外城濬治壕
塹其後司空彭彥章展東南面城通舊計一千二百
七十二間僞吳乾正二年頓金知州事又於四郭城
門外置鋪柵羅城諸門以備守禦太和五年韋建又

乘開羅城二百餘間濬壕五百餘丈後劉仁瞻修其
南面子城悉用磚石宋大中祥符間修袁州圖經云
城周圍七里二十步高三丈八尺子城周圍一里一
百二十步高三丈七尺北枕秀江三面壕深四丈建
炎初升郡爲次要城池樓櫓務合堅險仍給牒許勸
有力者入貲以助知州事汪希旦治中間邱霖草舊
城一新之城基周三千三百一十五步高增置二丈
女牆三千五百敵樓戰柵五十總六百五十間阮閱
記開禧間知州事羅克開復增治張嗣古記其後知

州事鄭自誠李觀民方岳皆嘗繕修元仍宋舊至正
壬辰末爲天完將歐祥所據壬寅始納款於明洪武
四年知府劉伯起增修城堞浚壕立柵解四門城樓
門外增修月城覆以串房間以箭樓天順七年水溢
城圯知府劉懋同指揮石旻邵琦等繕修宏治六年
南門壞知府王俊重修正德七年東西二門月城圯
知府姚汀重修正德九年城西門樓屋俱壞知府徐
璉增修城甃樓一千七百餘間各置柵欄堽口四千
餘個又置板櫓防範周密人不能越正德十五年

東北隅傾圯知府羅輅重修編修嚴嵩記嘉靖出知
府范欽劉廷誥袁襲裳以修治串樓爲費不貲且非
城制先後請於上官乃撤去串樓甃馬道以甃編修
張春記歲久又圯萬歷中知府鄭惲典遍加修葺增
高雄堞重新城樓嚴兵曉夜添設四兵馬司萬歷已
未北門外東西月城并水耳門傾圯知府黃鳴喬重
砌河岸上造城垣圍門等屋左右月城仡然改觀崇
禎吳午辛未知府用有年因永新冠警增修城垣丁
丑冬臨藍流賊數千自楚潰萍乘勝東下知府解經

達推官竦瓚先期告急時督撫解學龍檄守道郭必昌巡道王庭梅各以臨吉兵會自督兵三千人爲之後未至賊已抵城下掠附郭數十里鄉紳袁業泗潘士聞等登陴拒守者半月謀獲賊內應趙大春等新之城上翌日省兵至因塘檢失悞遽深入反爲賊敗西北兩門雲梯並進城中多方堵禦而萍令程之故以失賊乞師於楚得辰其五千人來援城始獲全汾未秋獻賊酋長沙萬載天井窩有奸民邱仰寰盧陽等先應賊悉衆來攻知府霍子衡卽縣朱茂燾與

城告急巡撫郭都賢移鎮袁州聞賊至旋南昌吏兵竄匿城遂空浹旬邱賊乃至左帥副將吳學禮督兵五千自潯來禦賊遁班師而獻賊十數萬以十月二十五日自吉而袁踞郡城僞署官屬殘掠甚慘十一月二十五日左帥鎮將馬進忠王允成等督兵至賊即還楚左兵濫殺百倍於寇至乙酉署府事推官廖文英同知李時興稍葺城爲守備五月

國朝定江西先諸將若謝騰雲蒲纓及黃朝宣等五營迭據袁城九月提督金聲桓遣副將何鳴陞蓋遇

時等先後克袁未幾楚帥黃朝宣自薺子窩督兵數萬來攻營城西鳳凰山築土城開壕爲持久計進逼北城順治三年正月金聲桓遣白副將來援朝宣解圍去五月鎮將郭天才拆民屋置甕城增修敵樓時環袁皆兵搶掠至六七十里兼連歲奇荒白骨山積五年正月金聲桓叛餽遣鎮將湯執中蓋遇時及自號義旗者衆不下數十萬分踞郡城互相吞併廬舍蕩析無遺五月執中南下十月遇時西奔袁城復空十一月三關棚賊率衆據城六年正月譚大將軍遣

其恢復九年十月湖南兵潰自吉衝袁

等地方搜掠一空袁協康時月告急

原稿缺

千管西關外未見敵大掠而去城以遂遭

年洪水東西北一帶瀕江者岌岌傾殆知

推官王延禔後先修築康熙三年四月十七夜霪雨

爲災北門城圯入江潭計三十八丈五月守道施閤

章知府李芳春等詣潭祭告遴匠興築重修四門城

樓暨週圍梁口備造箭簾守具四年六月始竣工詳

郡守李芳春記時總督張公朝璘巡撫都御史董公

衛國布政使余應魁右布政使陳宏業按察使蘇銑
守道施閏章協鎮許壯猷知府李芳春同知孫席慶
推官鄭燁都司董正已知縣董義行等各捐助有差
城四門東曰宜陽舊名安仁通分宜縣西曰萍實通萍鄉
縣南曰大仰舊名安仁通仰山古廟北曰袁山通萬載縣
而袁郡遂安然樽俎屹若金湯矣

康熙二十一年五月十五夜北城北舊例郡城四
縣分修南曰大仰舊名安仁屬宜春西曰萍實屬
萍鄉東曰宜陽屬分宜北曰袁山屬萬載每遇

願四邑各識所屬者而修築。但北門城隍之
約計城垣三十餘丈下臨江濤古有龍潭往往水
從潭湧城卽爲傾是夜暴風疾雨河水漲漫新舊
城垣塌陷隨據練長張秀華等呈報知縣王光烈
親臨查閱共計塌陷城垣二十八丈較常爲甚茲
以潭面木椿沉斜潭底空濶填築維艱因以城圯
修造邀例通詳以固金湯等情報明

本府正堂加一級于併通詳各 上憲蒙

通請動款奉

日依議將萬邑所裁額編銀兩照舊復留動支修理
不足以補萬一蒙

各憲蠲助始告成功至若宜令王光烈具
欲以龍潭地面議出移城於內另築新
坪以爲一勞永逸之計其工費又十位
費

康熙三十四年十二月十九日

原稿缺

袁州府宜奉縣爲報明事本年十月

江西袁州府宜奉縣爲報明事本年十月

內開康熙三十四年十月初三日據崑洲宜春一

總王一虎報稱本年十月初二日據看守西門外

委把總李進南門功加千總劉仕麟各報稱有外

邏城樓於九月三十日夜被風雹吹倒懇移有司

早爲修建等因到縣卑職隨查郡城四門城樓倒

係四縣分修東分宜西萍鄉南宜春北萬載此舊

例也今春北門城樓倒塌已經萬邑重修南門城

樓傾塌卑縣隨遵捐料募匠重建將竣所有西門

城樓倒塌卑縣隨於十月初四日移會萍鄉照例

修葺去後迨至十二月十九日方准移覆內稱四
門分修原無額載兼敝邑離郡窳遠路隔一百五
十里鳩匠運料修葺維艱或蒙總修敝邑諒指以
補修葺之費等因關覆前來切查郡城關係封疆
爲四邑保障倒塌重建工程浩繁故係四縣分修
成例已夙各門城垣所砌之磚舊有註定四縣字
樣鑿鑿可考若云原無額載則磚工燒成字樣便
是確據夫以封疆重務延至數月之久尚以空文
推諉將見與修無日愈滋倒塌憑何守禦

屬首縣與有干係合無詳請 憲臺垂念封疆重

務大彰 霆威亟賜嚴檄萍邑照例迅爲修葺庶

金湯鞏固保障有依爲此備由另具書冊一併具

申伏乞 照詳施行 右申

本府正堂加一級胡

隨蒙檄行萍邑照例修理在案自三十四年後分
宜縣知縣黃之鳳修東城樓一次萍鄉縣知縣程
世經修西城樓一次宜春縣知縣胡巴修南城樓
一次萬載縣知縣何錫命修北城樓一次至四

四年水衝北城傾圮十餘丈本年萬載縣知縣孫國柱復重修

康熙四十一年三月

日奉

袁州府正堂加一級胡爲呈請移明修理城垣以固疆圉事本年三月初九日准協鎮江西袁臨

等處地方中軍叅府加四級係移會內開康熙四十一年三月初六日據高汛宜春千總魯蘭呈稱據看守北門千總黃國柱西門管隊劉豹東門目兵袁奉報稱今有東門連至北門內倒塌壞